



Pou Piblikasyon Imedya: 18/04/2023

GOUVÈNÈ KATHY HOCHUL

GOUVÈNÈ HOCHUL ANONSE YO TE AKÒDE PLIS PASE 14.2 MILYON DOLA ATRAVÈ PWOGGRAM SOU-SIBVANSYON PATNÈ TOURISTIK EDA YO

*Finansman ki disponib atravè Plan Sekou Ameriken an pral sipòte efò
òganizasyon maketing destinasyon yo nan Eta a*

Lis konplè gayan yo disponib isit la

Gouvènè Kathy Hochul te anonse jodi a ke yo pral bay plis pase 14.2 milyon dola pou 30 patnè touris atravè Pwogram Sou-sibvansyon Patnè Touris EDA Eta New York. Yo te akòde Eta New York, finansman federal pou rekiperasyon COVID-19 sa a, ki te disponib atravè Administrasyon Developman Ekonomik Etazini an pou sipòte rekiperasyon apre pandemi sektè vwayaj, touris ak lwazi anplennè Eta a. Divizyon Touris Empire State Development te bay Òganizasyon Maketing Destinasyon sou-sibvansyon nan tout eta a finansman an yon fason konpetitif pou pwojè maketing touris ki baze sou domèn sibvansyon EDA Divizyon an: rekreyasyon anplennè, touris entènasyonal, ak komès vwayaj ki gen ladan reyinyon, ankourajman, konferans ak eksposizyon, espò amatè ak vwayaj an gwoup.

"Avèk panorama ak peyizaj mayifik nou yo, atizay ak kilti dinamik, kominote biznis k ap pwospere ak plis ankò, New York fyè pou l akeyi vizitè ki soti toupatou nan mond lan pou yo fè eksperyans sa eta nou an gen pou l ofri", **Gouvènè Hochul te deklare.** "Gras a administrasyon Biden ak delegasyon Kongrè New York la, sou-sibvansyon sa yo pral ede patnè touris nou yo rive jwenn nouvo piblik sou yon echèl mondal epi atire menm plis vwayajè nan eta nou an".

Lidè Majorite Sena a, Charles Schumer, te deklare, "Endistri vwayaj ak touris New York yo se kè k ap bat nan eta nou an, epi finansman enpòtan sa a kreye yon opòtinite inik pou gouvènman federal la ranfòse touris atravè New York lè li sipòte ti biznis yo, kreye travay ak investi nan ekonomi lokal nou yo. Rekiperasyon apre pandemi an te ankouraje yon nouvo demann pou vwayaj, touris, ak lwazi anplennè nan tout eta a, epi 14.2 milyon dola enpòtan sa a nan finansman ke mwen te fè efò pou mete nan Plan Sekou Ameriken an pral akselere rekiperasyon ekonomik sa a epi pèmèt nou soti nan pandemi a ankò pi djanm pase nou te ye anvan".

Senatè Kirsten Gillibrand te deklare, "Chak ane, New York atire plizyè milyon touris atravè peyi a ak mond lan. Finansman federal sa a pral ede nou atire plis toujou. Mwen remèsyé EDA pou prim sa a epi mwen pral kontinye travay pou pote plis resous lakay nou pou devlope sektè touris nou an".

Reprezantan Jerrold Nadler te deklare, "Sa fè plis pase de ane depi Prezidan Biden te siyen li kòm Iwa, epi Plan Sekou Ameriken an kontinye ap ede Nouyòkè yo ak nasyon nou an. Anons jodi a sou 14.2 milyon dola nan finansman bay Eta New York la, avèk 2.1 milyon dola ki prale dirèkteman pou sipòte touris nan Vil New York—pral ede kenbe estati New York kòm yon destinasyon prensipal pou vwayajè lokal ak entènasyonal yo. Mwen fyè dèske mwen te goumen pou Plan Sekou Ameriken an nan Kongrè a, ki te ekipe yon pakèt fanmi, biznis ak gouvènman yo avèk resous ki nesesè pou reziste a kriz ekonomik ak santeiblik la".

Reprezantan Brian Higgins te deklare, "Touris se yon pati enpòtan nan ekonomi Lwès New York, espesyalman kòm kominate fwontyè nò. Pandemi COVID-19 la te gen yon enpak siyifikatif sou sektè sa a, li te anpeche vwayaj yo epi anpeche atraksyon lokal yo jenere revni. Gras a yon envestisman nan tout eta a ke Administrasyon Developman Ekonomik Etazini te fè, touris istorik ak kiltirèl ak Iwazi atravè Lwès New York ap resevwa finansman li bezwen pou kontinye rekiperasyon ekonomik li, pandan l ap pote vizitè ki nouvo epi k ap retounen nan atraksyon lokal nou yo. Pandan reyon nou an ap kontinye rekonstwi, finansman federal sa a sèvi kòm yon envestisman kontinyèl nan biznis, pak, ak destinasyon ki sipòte kwasans ak developman kominate nou an".

Reprezantan Paul Tonko te deklare, "Lè kòlèg mwen yo ak mwen menm te fè avanse Plan Sekou Ameriken an, nou te konnen ke envesti fò nan vwayaj, touris, ak Iwazi anplennè t ap esansyèl nan asire kominate nou yo te fè yon rekiperasyon konplè apre pandemi an. Sibvansyon sa yo jodi a se yon rezulta dirèk nan planifikasyon avèk atansyon, ki gen enpak, epi ki pral ede plis ranfòse fòs ekonomik ak dinamik Reyon Kapital nou an ak eta a. Mwen pa ka tann pou m wè ki jan prim sa yo merite ranfòse ekonomi lokal nou an plis epi benefisyé rezidan yo ak vizitè yo".

Reprezantan Joe Morelle te deklare, "Kounye a se moman pou envesti nan revitalize endistri vwayaj lokal nou an nan mete aksan sou tout sa eta nou an gen pou ofri—soti nan Iwazi anplennè nan reyon Finger Lakes, rive nan estasyon istorik chemennfè klandestin alantou Rochester. Mwen fyè dèske m te jwenn finansman federal sa a pou rekiperasyon ekonomik New York apre pandemi an epi mwen rekonesan anvè Gouvènè Hochul pou angajman li paske l sipòte endistri touris patikilye zòn nou an".

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Anba lidèchip Gouvènè Hochul, Eta New York ap rekonstwi ak revitalize endistri touris dinamik ak vital li a. Finansman Administrasyon Developman Ekonomik Ameriken an pral ede I LOVE NY ak lòt òganizasyon touris atravè eta a ankouraje aktivite ki vize epi angaje nouvo vizitè yo, pou sipòte renesans kontinyèl touris".

Vis Prezidan Empire State Development ak Direktè Egzekitif Touris la, Ross D. Levi, te deklare, "Sibvansyon federal EDA bay Eta New York pèmèt I LOVE NY elaji anplè li nan segman vwayaj espesifik yo. Sou-sibvansyon sa yo bay kòlèg DMO nou yo soti nan Buffalo rive nan Long Island pral pèmèt yo konplete efò sa yo avèk yon apwòch rejyonal oswa espesifik pou publik lan, konsantre sou domèn opòtinite ki pi koresponn ak mache sib yo. Nou rekonesan pou sipò Administrasyon Developman Ekonomik la, epi nou fyè pou nou sipòtè plis patnè touris New York nou yo".

Benefisyè yo enkli:

- **Association of Convention and Visitors Bureaus of New York State, Inc.:** Jenere yon apwòch lavant ak maketing kolaboratif nan tout eta a pou vann anpil atriби New York bay planifikatè reyinyon yo, operatè touris yo, ekriven vwayaj yo ak moun ki gen dwa atletik amatè yo.
- **Capital-Saratoga Region Tourism Association:** Mete aksan sou opòtinite vakans anplennè yo pou novo publik lokal ak entènasyonal yo epi vize reyinyon ak konvansyon ki konsantre sou endistri dènye kri yo.
- **Destination Niagara USA:** Angaje komès vwayaj, ankouraje touris entènasyonal ak ankouraje Iwazi anplennè pou devlope novo biznis ak opòtinite travay.
- **Finger Lakes Regional Tourism Council:** Sèvi ak yon kanpay maketing estratejik pou ankouraje aktivite Iwazi anplennè ki disponib nan tout rejyon an, avèk yon anfaz sou vizitè premye fwa yo.
- **NYC & Co.:** Envesti nan kanpay entènasyonal biznis-a-konsomatè, ak kanpay biznis-a-biznis ki pwomouvwa Vil New York kòm yon destinasyon reyinyon ak evènman.
- **Thousand Islands Regional Tourism Development Corp.:** Re-establi pati nan mache entènasyonal ak demann Iwazi anplennè nan pwomouvwa byen ak atraksyon yo mwens konnen yo, pandan y ap sipòtè sante ekonomik rejyonal an jeneral.
- **Underground Railroad Consortium of New York State:** Ankouraje yon vizit gide sou sit chemennfè klandesten yo nan Eta New York ki konekte ak lòt opòtinite vwayaj.

Objektif pwogram nan se pou gen yon enpak pozitif sou endistri touris Eta New York lè li fè envestisman estratejik nan pwogram ak òganizasyon k ap travay pou jenere kwasans ekonomik pou Eta New York ak rejyon vakans li yo. Nan sèvi avèk yon pwosesis sibvansyon konpetitif, ESD te asire ke finansman yo akòde a baze sou enpak, epi pwojè yo akòde yo reponn ak objektif pwogram nan. Eta New York ap konsantre sou sektè ki pi bezwen èd, oswa zòn ki reprezante opòtinite ki pi pwomèt pou kwasans. Gen yon lis konplè benefisyè yo ki disponib [isit la](#).

Administrasyon Developman Ekonomik Etazini te mete disponib 750 milyon dola nan finansman ki soti nan Plan Sekou Ameriken an pou eta yo ak kominote yo atravè pwogram vwayaj, touris ak Iwazi anplennè li yo. Eta New York te aplike, epi te resevwa finansman, avèk ESD ki deziyen kòm ajans pou sipèvize ak administre sibvansyon an. Nan 510 milyon dola yo te bay eta yo espesyalman, New York te resevwa prèske 45

milyon dola - dezyèm pi gwo kantite pase nenpòt eta. Lòt finansman ki soti nan sibvansyon sa a pral amelyore travay ak efò pwogram I LOVE NY nan domèn enterè EDA idantifye yo epi yo pral sipòte efò ki gen rapò ak touris lòt ajans Eta New York patikilye yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)